

2013 Nienz Aen Hoih Lauxhangz Vahcuengh Sawcuengh Fanhoiz Youq Sangswh Yen Hai

2013 年壮语文翻译专家工作会议在上思县召开

□Vangz Dwzcungz Cinz Cunghginz/ 黄德崇 覃忠群



▲ Cunghgoz Minzcuz Yijvwnz Fanhyizgiz fugizcangj Lij Yuzlen youq gwnz hoih gangjavah.



▲ Swcigih Minzyijveij fucujyin Yangz Gijbyauh youq gwnz hoih gangjavah.



▲ Cunghgoz Minzcuz Yijvwnz Fanhyizgiz Sawcuengh Fanhyizsiz cujyin Vangz Dwzcungz gangjavah.



▲ Cunghgoz Minzcuz Yijvwnz Fanhyizgiz Sawcuengh Fanhyizsiz yizsinj Gvanh Swgingh gangjavah.



▲ Gvangjsih Minzcuz Dayoz gyausou Veiz Su' gvanh gangjavah.

8 nyied 3 hauh daengz 5 hauh, Cunghgoz Minzcuz Yijvwnz Fanhyizgiz youq gih raeuz Sangswh Yen hai Aen Hoih 2013 Nienz Lauxhangz Vahcuengh Sawcuengh Fanhoiz. Cunghgoz Minzcuz Yijvwnz Fanhyizgiz fugizcangj Lij Yuzlen, Gvangjsih Gihminzyijveij fucujyin Yangz Gijbyauh camgya aenhoih, caemhcaiq youq gwnz hoih gangjavah. Miz 20 lai boub lauxhangz Vahcuengh Sawcuengh fanhoiz gih raeuz caeuq sengi rog daeuj camgya hai hoih.

Youq gwnz hoih, gyoengqboux lauxhangz Vahcuengh Sawcuengh daujlun gij vwndiz youq fanhoiz sawloih moq Vahcuengh Sawcuengh seiz mbouj doengjit, mbouj gveihfan haenx, gyoengqboux lauxhangz lij saemjdingh le 250 diuz sawloih moq Vahcuengh Sawcuengh, vih guh ndei hong Sawcuengh gveihfanva, byauhacunja, sinsizva gensez dwkmaenh giekdaej, vih hong minzcuz yijvwnz fanhoiz ndaej fazcanj fanzyungz ngeix banhfap ok geiqmaeuz.

Cunghgoz Minzcuz Yijvwnz Fanhyizgiz Sawcuengh Fanhyizsiz cujyin Vangz Dwzcungz gaisau naeuz, hai aen hoih neix muzdiz dwg Vihliux gvancez lozsiz aen vwnzgen cingsaenz 《Gij Cijdauj Yigen Guekgya Minzveij Gvendaengz Caenh' itboub Guh Ndei Hong Minzcuz Yijvwnz Fanhoiz》neix, caenh' itboub guh ndei gij hong minzcuz yijvwnz sawloih moq byauhacunja, gveihfanva. Gyoengqboux lauxhangz Vahcuengh Sawcuengh camgya baez hoih neix, cwnzsw sang, 20 lai boub lauxhangz dingzlai dwg fugauhiz cizcwngh doxhwnj, ndawde miz 9 boub dwg cwnngauhiz cizcwngh. Gyoengqde mizmbangj dwg guh hong gyauyuz, guh hong sinhvwnz, mizmbangj youq gihcwngh guh hong minzcuz yijvwnz, ginghyen gij fungfouq. Gyoengqboux lauxhangz youq gwnz hoih ndiepcingz dangqmaz, siengj maz gangj maz, haeujlaeg yenzgiu, mboujdanh gajgez liux 250 diuz sawloih moq Vahcuengh Sawcuengh saemjdingh yinvu, lij doiq fanhoiz Vahcuengh Sawcuengh ndawde mbangj gvilwd gveihcwz yinsiz moq guh damqra daujlun, sawj yawjap daihgya ndaej doxdoengz.



▲ Gyoengqboux lauxhangz nyinhcaen yenzgiu daujlun Sawcuengh sawloih moq.



▲ Aenhoih gaihmsi yienhciengz.



▲ Gyoengqboux lauxhangz baen cuj daujlun, bouboux haengheiq gangjavah, nauhyied raixcaix.